

世間生滅真實知  
 如來真實最上教  
 善趣惡趣悉了知  
 了知縛脫本來性  
 邪正凜淨悉能知  
 已能具足最上善

善說最勝諸法寶  
 三界所作能成就  
 善惡事中智無倒  
 而能善說縛脫門  
 善不善義皆明了  
 具善行者普稱揚

救拔一切惡趣中  
 稽首天僊最上士  
 不生適悅喜愛心  
 自身廣大諸色相  
 三界最勝應供尊

佛吉祥德讚卷上

如來悲為一味藥  
 不著甚深禪定樂  
 誓度愚迷貪欲海  
 畢竟圓滿可稱揚  
 我今歸命不思議

佛吉祥德讚卷中

尊者寂友造

西天譯經三藏朝奉大夫試光祿大夫西天譯經三藏沙門大德普光謹奉 詔譯

歸命如來勝妙相  
 千輻輪文現足心

足下平滿善安住  
 朝轂象相皆圓滿

如塊羅綿手足軟  
 手足諸指妙纖長  
 足跌脩高復充滿  
 雙臂脩圓摩膝輪  
 髮毛端潤皆上靡  
 身皮細滑垢不侵

縵網光現手足間  
 足跟圓滿跌相稱  
 膺如伊泥耶鹿王  
 陰相藏密猶龍馬  
 一一身毛悉右旋  
 身真金色光晃耀

手足頸肩七處滿  
 容儀敦肅妙端嚴  
 如諾瞿陀身圓滿  
 常光面向各一尋  
 四牙鮮白妙鋒利  
 舌相薄淨廣復長

項及膊腋悉充圓  
 身相脩廣復臚直  
 上半身如師子王  
 四十齒平不踈缺  
 常得味中最上味  
 梵音深妙猶天鼓

功一

十

音聲聞者皆悅意  
 眼睫齊整狀牛王  
 眉間柔軟妙毫相  
 烏髮膩沙頂莊嚴  
 歸命如來隨形好  
 手足指圓悉纖長

復如迦陵頻伽聲  
 眼睛皎潔紺青色  
 右旋清淨如螺白  
 誓首大丈夫相具  
 指爪狹長如赤銅  
 手足諸指皆次第

筋脈盤結復深隱  
充滿柔軟足安平  
行步直進如象王  
自在次序狀鵝王  
身分次第而高顯  
善相屬著堅固身

兩踝俱隱而不羸  
迴顧右旋鹿王等  
明顯端嚴無障礙  
舉身隨轉步安審  
平等隨轉身不曲  
身淨光明離翳暗

身支安定不掉動  
妙童子相清淨身  
腹形方正無欠缺  
右旋深厚妙臍輪  
身支近觸離諸過  
譬如蓮華垢不侵

端直身相善圓滿  
柔軟妙好悉無比  
不宥不凸廣復圓  
淨無點竅無減下  
悉無靨點疣贅等  
亦復離諸不寂靜

面輪圓滿皎清淨  
舌相廣長如赤銅  
脣色光潤而可愛  
水雲擊響等音聲  
音聲深遠復美妙  
手軟猶如兜羅綿

身相具足而無減  
柔軟復如蓮華葉  
如頻婆菓及赤銅  
復如象王大震吼  
一切聞者咸悅意  
手文深明而不斷

功一

十一

四牙鋒利妙堅固  
諸齒方整鮮白齊  
眼睫稠密而不白  
耳輪長廣厚復圓  
額廣平正相殊妙  
首髮稠密整復長

最上清淨復齊平  
眼相脩廣如蓮葉  
眉潤不白復脩長  
身毛一一皆潤澤  
上半身分悉充圓  
紺青旋轉而光潤

乃至廣及佛骨臆  
螺髻紺青妙莊嚴  
歸命處非處智力  
禪定解脫等持門  
種種信解悉通達  
他心種類了無差

俱有喜族德相文  
瞽盲不可見頂相  
過現未來業皆知  
了別自他諸根性  
種種界趣亦悉知  
宿住隨念智具足

照明一切生滅法  
如是十力智周圓  
如來漏盡無餘染  
故稱正等正覺尊  
一切染法平等說  
一切覺了盡無餘

諸漏已盡漏無餘  
瞽盲如來大精進  
覺了諸法亦無餘  
我今瞽盲伸敬禮  
諸出離道亦善宣  
瞽盲能仁初覺者

佛具不壞正智慧  
正智破諸邪智心  
自境界及他境界  
於彼一切根義中  
相中無餘相所緣  
無生重擔久已除

普盡無餘現覺尊  
佛真覺已無餘覺  
一切境界所作成  
佛是無能勝根者  
非色種現皆悉斷  
已微緣生河流底

二種無智癡暗離  
復離二種疑求心  
已得盡智世間句  
具足勝依寂止門  
具足一切所應行  
具足種姓及語言

發生二種智光明  
建立二種決定智  
智障已離法圓明  
具足勝處善安住  
明行具足色相圓  
獲神通果善救度

身語意業悉不護  
決定不退轉智門  
種種因門皆覺了  
種種煩惱及對治  
無二言說無盡辯  
世間八法不染心

功一

無著無盡智疑然  
智說不壞因時相  
種種果門亦悉知  
誓首如來善覺者  
善說不退轉法者  
誓首善達功德岸

十二

佛三阿僧祇劫中  
運大悲心而普覆  
了知三苦極微細  
三界所緣諸性中  
如來智性中平等  
悲心廣大不可量

積集難行一切行  
自他能渡煩惱流  
由愍苦故起大悲  
大悲普及一切處  
若寬若親而等觀  
普攝一切衆生類

佛為衆生說一藥  
畢竟極苦亦蠲除  
純一真實決定行  
決定不復染法生  
不以己利求於他  
隨宜方便悲愍心

身病心病普令安  
誓首善說妙藥者  
決定純善無染尊  
一向為他善長養  
自所得樂悉棄捨  
決定調伏衆生病

衆生所應調伏時  
為衆生作不請友  
能仁善說妙法藥  
照明衆生過現身  
斷除衆生煩惱病  
隨其何病藥堪除

如來善知而無失  
普令得度起悲心  
治彼生法苦根源  
了知煩惱無邊性  
佛知時量悉無差  
世尊如應為說藥

如來所行一切行  
若一若多出現門  
如來功滿已能到  
知道識道說道尊  
拯拔一切輪迴苦  
普令得渡煩惱流

功一

十三

能善建立聖法幢  
開示盡滅離貪門  
能善表示諸法者  
能作利益大導師  
常說示教利喜語  
最上清淨大梵尊

已息種姓諸言論  
世間人事語亦亡  
如來行步常寂靜  
順善而行見者忻  
如來不壞正知見  
成諸福事斷疑根

修習如理悉周圍  
和合了知皆無礙  
一切智智清涼地  
勝道衆道歸向者  
令諸衆生離纏縛  
堅固慚愧具足者

表示諸行無常法  
顯示寂滅出離道  
能以諸法教授尊  
誓首善施歡喜者  
具大威德大神通  
誓首自在復熾盛

復斷族氏諸語言  
誓首常說正法語  
無闕無狹平正行  
表示如來善行相  
具足如先所作性  
離分位心入聚落

出必顯明衆所覩  
勝妙殊特衆吉祥  
能善了知五蘊法  
已能摧滅我慢心  
如來已得無動法  
善能成就七聖財

無依無轉最上尊  
純一具足梵行者  
復能具足七法行  
誓首能破愚癡網  
復能具足深廣心  
誓首善學三學者

佛大丈夫所應讚  
遠離一切不吉祥  
梵行真實善安立  
常以無畏施衆生  
歸命佛大阿羅漢  
所作已辦德圓明

邪異諸境不能怖  
誓首已到調伏地  
上下縱廣悉歸依  
誓首於法離取著  
一切漏盡無染尊  
誓首已除諸重擔

逮得已所作義利  
安住正智解脫心  
已證無言解脫理  
心無忘失解脫圓  
佛心無量復廣大  
心得離繫煩惱除

盡諸有結障蠲除  
誓首出離解脫者  
愛盡取盡而解脫  
誓首無顛倒心者  
無別異法善修心  
誓首已破諸異類

盡諸染業得清淨

已證無餘依涅槃

人中最勝解脫尊

戰死魔軍而得勝

於諸善法不放棄

善住正念正智慧

善開寂眼視眾生

誓首善救生死苦

善覺眾生無明睡

善破眾生諸愚癡

佛勤勇起精進心

策發一切懈怠者

功一

十四

諸不善中施善法

諸墮學中開學門

諸怖畏中施無畏

不安隱者令安隱

諸暗冥中作明照

諸不善中令修善

諸過失中功德生

諸罪業中除罪業

令違逆者知恩德

能滿眾生意所求

呪明成就真實修

誓首能破煩惱者

佛已遠離諸誑妄

心無躁動不高舉

尊勝顯示吉祥門

誓首佛為福生處

一刹中生一切行

不共一切神通種

畢竟成就最上門

一切處離非句義

一切疑惑及雜說

決定正語悉能破

諸吉祥行平等修

善知一切眾生意

已能攝伏諸他語

猶如猛火焚乾薪

燒諸煩惱義亦然

誓首安住正士法

具諸吉祥具慚愧

世間主宰勝寂默

釋迦牟尼大導師

盜礙囉婆瞿曇族

離諸煩惱癡黑暗

悲愍普攝諸眾生

常於利他攝益中

具足廣多諸勝行

佛於一切眾生類

一切增上所行中

佛以大智常觀察

普集世間利益事

具足六通調伏智

德智說智及時智

一切對治勝神通

界趣勝解業障智

說法最勝神通具

三調伏事善開化

一切文義善解圓

誓首辯才無盡智

功一

十五

佛已具足如說辯

善滿諸行到彼岸

一切功德解脫周

顯示勝身心清淨

聞佛音者心歡喜

佛自所行悉周圓

不墮一切言說中

不取自分功德相

平等先說最初道

次集大行不遺餘

眾生大擔負堪任

於諸相中得寂靜

已圓大慈等功德 未嘗遠離於捨行  
以正智慧攝衆生 於長夜中徧觀察  
如來常發大勇悍 以諸善行教衆生  
復於一切衆生中 已得悲心善平等  
佛是悲愍世間者 第一義諦善解了  
如來三眼已圓明 三種稱讚善具足

如來已具三不護 顯示三界無垢尊  
四念處行廣通達 名句文身自在者  
巧妙無盡隨意辯 一切說示智悉通  
種類語言善解知 隨處辯才悉無礙  
諸違背中作順向 諸恚怒中作清淨  
於諸慢中發敬心 棄捨一切利養事

所行正真復最上 以自力能現證尊  
清淨一切言說門 誓首語言無執著  
出善來語如義語 具足一切正所行  
如來一切功德圓 誓首無忘失法者  
最上攝益勝調御 歡喜悲愍諸衆生  
悲心堅固欲利他 誓首常欲利樂者

佛與衆生有恩德 常為善友及知識  
如父如母能出生 欲令衆生得善樂  
佛為衆生親教師 善說勝義諸法教  
最上句義如理宣 使令了知一切性  
如來常以無著說 無增無減善稱揚  
大悲不斷相續生 誓首善見處非處

佛吉祥德讚卷中

※

佛吉祥德讚卷下

功一

尊者寂友造

歸命作大師子吼 出生一切善行門  
於一切性如實知 無勝知見徧一切  
善化衆生時無間 宣說無邊諸法門  
最先破彼無明外 隨覺一切諸法者  
覺了衆生大正士 覺悟微妙諸法尊  
於無我理已覺明 善覺諸業自性者  
覺了一切界分量 了知生滅本來性  
於諸苦法如實知 善悟真實自性者